




Valpok

Aelesu viaku. Idulugalon koe *taiga* aala is ruga, suray dem valpok (*Culicidae*) va ayik is aryon moukolap moebidud : tulon koe ronefa Sibira, lana otara va 3986 valpok benaykayas va kontan bad baroya wexa patayar ! Aryona bezama, i neftima (*Simulium*), va fortey abdi atoara dere lagulid. Valey bata puilesa beza, jontika neftiminda cugote viakusa dere tid : koe ruga bad dere baroya wexa, loon 19000 beza ruzadeyesa va mil kosik zo uldineyed (vamoeyon wirapa va ayafa alma do toloy valpok). Kotbata beza tid ke veem dem neftadulon, don dere gubefa nefta. Voxen koe naelafa lenteka, sinafu viaku va blira remi konaka safta tuvoldrikar. Efe koe durefo sukapaso xo vaon leote trasit ; arlize sin en tid ralaku. Ota dem katceem tigus koe ruga is *taiga* aala tir pinafa loon dam koe cwafa coyunta voxen kota katca cugote ruidar ; neken neftima tid gedrapafa loon dam koe sibirafa *taiga* aala.

VALPOK :
 - **Abrotce :** 0,5 - 6 mm- kare katca.
 - **Ata :** 100 - 300 ato.
NEFTIMA :
 - **Abrotce :** 1 - 4 mm-
 - **Ata :** 50 - 200 ato.


Bak cadimany, cugbat sulemam va tec rujodap vamoey uzda is ujiwa tazukad. For ke tokeem atris koe lava va infate tande dere guzekar : koe taltefa Sibira arte Ob bost, 3250 valpoktoka fuxe lujorafre metre koe ujiwa ke aalafa ruga zo otayad. Tcafo lavaxo dace tid dem loote beza (vas 6000 ik 7000 toka fuxe lujorafre metre)!

Torkliita. Batdume sulemap kevu batmana ervolia dem puilesa beza giyated, numen batcoba tir me-gevasa. Idulugalon lamara ke bedakol gan bezafa tigira oku gracera zo nekipid. Voxen valpok va sinka ta jontiki zveri gizanudad. Batinde kote prokla isu ipomduinolam impavantapad.



Divotoara ke valpok. Talteon bezuk ; tiseon, milafu beza toz diviltir ; roneon, va int kotron su tunuyar aze va risafa kruldera fu bokar. Voldum bezuk ke jontika beza, tel ke valpok tir rolizaves te leve levek blir. Va vala soletavesa koe lava. Miligik abicedje soble isen ant valpokya puiler abidida atoar.

Tela kiojafu ke bata toloya beza tir valpok, voxen bana tir neftima. Bezaya ke lana valpokinda va sokra gu ayik vas 0,15 mm- koalmar aze va fortey vas loon toloye dedeeyarame ba kota puilera miakolon solimpar. Estura vas toloya ok baroya wexa jalon jiyar.



Koe naelafa lenteka, valpok koe ujiwa idulugalon atoar. Batlize valpoktoka ke *Culicoides* oxii koe lava, dem paeltror arte kaspedesa pima. Toka bemotopason grupuyer voxen kalte tir panafu. Toka di kaslar bezuk.



Kadara ke neftima. Tiseon, miligik va bezukafa anamplekuxa zavzataso koe lava diviltir. Tiseon, taka ke bezuk kosuedanaf koe drem, isen vaseyon toka ropikomodana gu toloy intum zarudas va ebudura va toram ezas koe lava az maletumb.

